

DISPUTATIO JURIDICA
INAUGURALIS,

AD
Leg. xi. Cod. de Feriis.

QUAM
DUCE ET AUSPICE DEO TER OPT. MAX.

Ex auctoritate Magnifici Rectoris

JACOBI VOORDA,

J. U. D. Juris Civilis in illustri hac Aca-
demia Professoris Ordinarii,

NEC NON

*Amplissimi SENATUS ACADEMICI consensu & No-
bilissimæ Facultatis JURIDICÆ decreto,*
PRO GRADU DOCTORATUS,

Summisque in UTROQUE JURE Honoribus & Privi-
legiis rite ac legitime consequendis,

Eruditorum Examine subjecit

DIDERICUS OUWENS. GORINCHEMENSIS.

Ad diem 19. Augusti, L. H. Q. S.



TRAJECTI ad RHENUM,
Apud **ALEXANDRUM VAN MEGEN,**
ACADEMIÆ TYPOGRAPHUM, MDCCXXXIV.

THE NATIONAL ARCHIVES
COLLECTION OF
THE NATIONAL ARCHIVES
OF THE UNITED STATES

V I R I S

NOBILISSIMIS, AMPLISSIMIS

D. D. NICOLAO OUWENS,
J. U. D. SENATORI ET EXSCABINO CIVITA-
TIS GORINCHEMENSIS, FRATRI SUO DUL-
CISIMO, VENERANDO.

D. D. HENDERICO VAN SCHUYLENBURG,
J. U. D. SENATORI ET A SECRETIS CIVITA-
TIS GORINCHEMENSIS, PATRUELI TUTORI
SUO DEXTERRIMO, OPTIMO, OMNI HONO-
RIS CULTU PROSEQUENDO.

*Hanc Disputationem Inauguralem
ea, qua par est pietate &
reverentia,*

D. D. D.

DIDERICUS OUWENS,

THE HISTORY

OF THE
CITY OF BOSTON
FROM 1630 TO 1800

BY
JOHN H. COLEMAN

IN TWO VOLUMES.
VOL. I.

BOSTON:
PUBLISHED BY
J. B. LEECH, 15 N. BOSTON ST.

1857.

THE HISTORY
OF THE
CITY OF BOSTON
FROM 1630 TO 1800

BY
JOHN H. COLEMAN

IN TWO VOLUMES.
VOL. II.

BOSTON:
PUBLISHED BY
J. B. LEECH, 15 N. BOSTON ST.

1857.

THE HISTORY
OF THE
CITY OF BOSTON
FROM 1630 TO 1800

BY
JOHN H. COLEMAN

IN TWO VOLUMES.
VOL. III.

BOSTON:
PUBLISHED BY
J. B. LEECH, 15 N. BOSTON ST.



DISPUTATIO JURIDICA
INAUGURALIS,

A D

Leg. xi. Cod. de Feriis.

§. I.



D Privilegia Doctoralia anhelaturus, raram ac amoenam hanc materiam ad *L. xi. C. de Feriis* selegi; tentaturus, quid humeri ferrent. Sine ambagibus autem ad ipsam *L. me* adcingam, cujus verba ita sonant: Impp. LEO & ANTHEMIUS AA. Armasio P.P., „Dies festos majestati altissimae dedicatos, „ nullis volumus voluptatibus occupari, nec ullis exactionum vexationibus profanari. §. 1. Dominicum itaque diem ita semper honorabilem decernimus & venerandum, ut a cunctis executionibus „ excusetur: nulla quemque urgeat admonitio: nulla fidejussionis „ flagitetur exactio, taceat apparitio: advocatio delitescat: sic „ ille dies a cognitionibus alienus: praeconis horrida vox silescat: „ respirent a controversiis litigantes, & habeant foederis interval-

A

lum:

DISPUTATIO JURIDICA

lum: ad sese simul veniant adversarii non timentes; subeat animos vicaria poenitudo: pacta conferant; transactiones loquantur. Nec hujus tamen religiosi dici otia relaxantes, obsecris quemquam patimur voluptatibus detineri. Nihil eodem die sibi vindicet scena theatralis, aut Circense certamen, aut ferarum lacrymosa spectacula: & si in nostrum ortum, aut natalem celebranda sollemnitas inciderit, differatur. Amissionem militiae, proscriptionemque patrimonii sustinebit, si quis umquam hoc die festo spectaculis interesse, vel cujuscumque judicis apparitor praetextu negotii publici, seu privati, haec, quae hac lege statuta sunt, crediderit temeranda. Dat. Id. Decemb. Constantinop.
ZENONE, MARTIANO. COSS. 469.

§. I I.

Ad ipsius legis explicationem antequam nos conferamus, generale Tituli, ex quo L. nostra desumpta, inscriptionem contemplemur. *Feriae*, a feriendis hostiis, secundum Lexicorum testimonia dictae sunt; quia diebus festis litare solebant, Festo auctore. Hinc & ipsae *Hostiae* feriae a Gellio dicuntur, lib. 4. Noct. Attic. c. 6. Alii ab epulis ferendis: quae derivatio non placet. Vid. Martin. in *Lex. Philol. Voc. Feriae*. Isidorus a *fando* derivat, lib. 5. c. 13. quod in eis sit tempus dictionis, id est, in divino & humano officio fari. Christ. Becman. de *Origin. Ling. Lat.* Ferias a voce *Festum* deducit. Inter JCtos sunt, qui a *foro* ferias derivant; ut Azo ad *Cod. h. t.* quae etymologia, ut ut frigida, videatur: propius tamen ad scopum nostrum accedit; quia, nostro in titulo hoc inprimis edocemur, quando & in quibus causis tempore feriarum, judicia exercere, & Judici jus dicere vel permissum vel prohibitum sit. Quod ad Synonymiam attinet: & *feriatici dies* dicuntur, l. 2. D. h. t. ubi vide Gothofr. *Litt. I.* Item *feriati*, l. 6. & 9. D. eod. *Dies festi*, Virg. *I. Georgic.*, & *nefasti*; quia nefas erat die feriarum Praetorem verba fari: *Do, dico, addico*. Et his opponuntur *Dies iudicii*; de quibus eleganter Ovid. lib. *Fast.*

Alle

INAUGURALIS.

*Ille nefastus eris, per quem tria verba silentur;
Fastus eris, per quem lege licebat agi.*

Vide Alciat. *Lib. 3. Parerg. c. 2. & Coras. Lib. 3. Miscell. c. 18.* Ipsum tempus dicebatur *justitium*; quia hoc tempore, clauso foro; justitiae exercitium sisteretur. Quod Homonymiam concernit; vel stricte pro feriis divinis & festis tantum accipiuntur, vel late; ubi & humanae feriae intelliguntur. Vid. *l. 2. h. t. & Alber. Gentil. de Variis tempor. Appellationibus.* Alia dabit Martinus in *Lex. Philol.* Definiuntur demum feriae, quod sint dies, cultui divino, aliisque rebus humanis vacandis praescripti, a judicialibus actibus vacui, *l. 1. 2. 3. & 9. D. h. t.*

§. III.

Varia fuisse feriarum genera apud antiquos, docuit Macrobius. *lib. 1. Saturn. c. 15. & Budaeus in Annot. ad D. tit. de Feriis.* Jurisprudencia vero nostra admittit tantum divinas & humanas seu profanas, *cap. ult. X. de Feriis.* Divinae sunt, quae Majestati altissimae sunt dedicatae, secundum *l. ult. pr. C. h. t.* uti, e. g. Festa nati-
vitat, Paschatos, Pentecoste, aliaque plura, quae partim in judi-
ciorum ordinationibus recensentur. vid. Gail. *Lib. 1. Obs. 53.* Et
huc etiam pertinent dies solis, seu dominici, de quibus iterum in
l. nostr. xi. Adde *l. 3. 7. de Feriis.* De Festis hoc in genere est
observandum, quod nonnulla sint mutabilia vel variantia, quae non
eundem diem & mensem semper servant; e. g. festum Paschatis;
dies 15 paschalis, id est, ipse dies Paschae, & septem, qui praë-
cedunt & qui sequuntur, *l. 2. l. 7. C. de Fer. l. 3. C. de Episcop. audientia.* Alia sunt immutabilia, quae uno eodemque mense &
die perpetuo recurrunt; ut natalis, Epiphaniae Christi, & festa
Apostolorum. Humanae feriae sunt, quae hominum gratia intro-
ductae sunt, vel urgente utilitate, vel necessitate suadente, vel
etiam ob honorem, & in memoriam defunctorum, *c. ult. in fin. X. de Feriis, l. 26. §. 7. Ex quib. caus. maj.* Et haec iterum dividuntur
in *Necessarias*; quales sunt rusticae & urbanae; & *Honorarias*;
quales sunt feriae, memoriae conservandae causa constitutae. Ur-

banæ sunt nundinae, quæ auctoritate principis celebrantur, mercaturæ exercendæ gratia, *l. un. C. de Nundin. & mercat.* de quibus, brevitatæ causa adlegasse sufficiat Ahasveri Fritschii elegantem tractatum de *Regali Nund. jure, c. 2. n. 8.* Rusticæ ad fructus colligendos introductæ sunt, ut messium, vindemiarum, & tempus seminum spargendorum, quod tempus merito Accursius, Costalius & Busius ad *l. 4. de Feriis n. 4.* hisce feriis adnumerant: quidquid etiam Hilliger. ad *Donell. lib. 4. c. 7. lit. O.* in contrarium adferat; quasi, principis auctoritate deficiente, nulla earum ratio habenda. Facti hæc quæstio est; neque quaerimus, quid princeps constituerit, sed quid juris, & quid constituere debeat. Harumque tempus ratione locorum & annorum diversitate, frugumque ubertate olim præfides provinciarum determinabant, *l. 4. D. h. t.* ad quam vid. Bachov. & P. Busium, qui ad *l. 2. C. h. t.* obstantem, respondent. Et hæc rusticæ feriæ in plerisque regionibus hodie sunt definitæ, certique dies illis assignati; Carpzov. de *Process. tit. 10. Art. 1. n. 9.* Honorariæ feriæ in memoriam Principis, civitatis, ut natalis Romæ, Constantinopolis, *l. 7. C. h. t.* vel privati alicujus, indulgentia Imperantis indultæ, mutari omnino possunt, inque alium diem conferri. Neque illæ apud nos adeo sunt frequentes, uti apud Romanos quondam, de quibus plena est antiquitas.

§. IV.

Nondum satis divisionum. Sunt iterum feriæ *Ordinariæ*, vel *Sollemnes*, certo jure ordinatæ, & statis anni temporibus recurrentes, *l. 27. §. 7. Ex quibus Causs.* Et *Extraordinariæ*, quæ extra ordinem & casu instituuntur: E. G. ob rem, publice bene vel male gestam, adventum, inaugurationem, nativitatem Principis, pestilentiam, & quæ plura, *l. 1. l. 4. l. 7. C. h. t. & d. l. 26.* Hilliger. ad *Donell. d. l. litt. C.* Hanc tamen cautelam hic servemus, necesse est, ut hæc feriæ, quæ cito fiant, cito etiam percant, nec iterum reviviscant: alias enim fiunt *Ordinariæ* & *Perpetuæ*. Tandem & ferias in *Integras*, & *Semiferas*, seu *Intercisas*, dividunt interpretes nostri. Sic in nonnullis locis festa Apostolorum

rum

rum per dimidium diei spatium tantum celebrantur; altera dimidia pars quotidianis negotiis obeundis cedit. Sunt denique vel *Simpliter tales*, quae scil. regulariter omnes causas forentes quiescere jubent, *l. 9. pr. h. t.* vel *Secundum quid*, quae non ab omnibus, sed tantum quibusdam actibus judicialibus, vacationem praebent. Et hic nobilis se offert controversia de *Die Quadragesimali*, quae festum Paschatis praecedit, quam ad ferias omnino referunt DD. Attamen non omnes actus jurisdictionis in eo exerceri posse, statuunt; scil. cognitiones & executiones in causis criminalibus, expressa *l. 6. C. h. t.* eo die exerceri vetantur; quia illo tempore poenitentiae debet tempus indulgeri, non vero supplicis reorum. Equidem sunt, qui negant, criminales causas silere die quadragesimali: quos vid. apud J. O. Tabor. in *Racemat. ad art. 162. Ordin. Crimin. p. 565. n. 11.* Verum illi falluntur egregie, & *l. 6. C. h. t.* vim inferunt apertam. Num vero causarum civiles in his feriis quadragesimalibus ventilari possint, nova est quaestio: ad quam adfirmando respondeo per *l. 7. C. h. t.* ubi specialiter actus judiciales prohibentur 15 diebus Paschalibus: & sic olim in plerisque foris observabatur. Hodie etiam *l. 6. C. h. t.* usus est nullus, & plane oblitteratus; uti Simon à Groenewegen ad *d. l. 6. Gothofred. ad d. l. Perez.* aliique abunde demonstrant. Ita & torquentur & capite puniuntur in feriis quadragesimalibus apud nos delinquentes. Notabile tamen, quod, teste Carpzovio in *Jurispr. Confist. lib. 2. def. 151.* multis in locis hisce quadragesimalibus diebus nuptias celebrare prohibitum sit. Generales autem feriae, ab Imperatore constitutae, dicuntur *Inperiales. l. 4. C. h. t.* Unde patet, non magistratum, ut ut majorem, sine consensu summi imperantis, ferias constituere posse, *d. l. 4. C. h. t.* Qui vero diem feriatum adlegat, ille debet hoc ipsum probare, si de eo dubitetur; quia in dubio omnes iudici habentur, *d. l. 7. C. h. t.* *Omnes dies jubemus esse Juridicos.* Hinc comparere reus, & et exceptionem dici feriatu proponere debet.

Sed quid juris, ubi religionum diversitas, calendariorumque discrepantia? Plerique Jurisconsultorum statas ferias judiciales tantum esse observandas, perhibent; quia litigantes se adstrinxisse ferunt ad consuetudinem ejus provinciae, in qua habitant; conse-

quenter etiam ad ordinem processus, *l. 3. §. fin. D. de Testib. l. 1. §. 10. D. de Extraord. cognis. c. 3. X. de Eo, qui mittitur in poss. caus. rei serv.* Attamen & rationi magis videtur consentaneum, & praxi plerarumque regionum, & feriarum actoris, & rei rationem haberi; inprimis vero sacrarum: ne dies feriati praejudicium relligioni, semel forsam receptae, & in nostro territorio probatae, adferet, & conscientiam sauciatam efficiat. Quid quod ipsis Judaeis, odio qui internecino prosequabantur olim, hoc fuerit indultum per *l. 8. C. Th. de Exsecutiō.* ubi vid. Jac. Gothofred. quod & praxis nostra adhuc hodie servat. Sic in vicinis regionibus Germanorum festa utriusque calendarii, & Juliani, & Gregoriani, observantur, Brunneman. *de Process. c. 6. n. 27.* De computatione diei feriati pauca adhuc dicam, antequam ad ipsam Legis, praescriptae mihi xi. explicationem me conferam.

Jura Civilia, & Canonica divortium circa computationem hanc fecere: Jure enim Canonico dies feriatus computatur de vespere ad vespere, *c. 1. X. de Feriis.* Jure vero Civili dies civilis a media nocte praecedente ad noctem subsequentem, *l. 8. D. de Feriis. A. Gentil. in tract. de Divers. temp. appell. c. 5. p. 52.* rationem hanc adlegans, quod sol media nocte sit in infimo coelo, id est, in illo coeli puncto, unde ad nos redire incipit. Hinc inde factum diei initium, unde sol, diei auctor, ad nos vergere incipit. Dies naturalis computatur a solis ortu usque ad ejus occasum, Alber. *Gentil. d. l.*

§. V.

Revertamur, hisce digressionibus paululum intenti, ad *L. nostram ultimam*, ejusque auctores diligentius observemus. Fuerunt illi Fl. Leo I. & Anthemius, Augusti. Non ignobiles sunt in Jurisprudencia nostra Leones Imperatores, ceu patebit ex Indice LL. apud Cl. A. Wilingium in *Jurisprudencia rescripta*, p. 105. seqq. Leo noster Thrax fuit genere, vel e Dacia Illyrica, incertis parentibus oriundus, Niceph. Callistus, *lib. 15. c. 15* & Candidus apud Photium *Cod. 79.* Utramque originem commemorat Zonaras. Progenies Bessica, Jornand. *de Regn. success.* Fuit antea

antea Procurator Asparis : alii Praefectum vectigalium Selymbrianorum tradunt, quos inter Zonaras & Jornandes : alii cohortibus Selymbrianis Praefectum ajunt, hacque dignitate ornatum studio Asparis Patriicii, viri magna auctoritate, sed falliditi a Constantinopolitanis, quia origine Gothus erat, & Arianismo favebat, Orientale imperium adeptum fuisse. Hic autem Asper vel sua auctoritate, vel populi jussu, Leonem Imperatorem declaravit Kal. Mart. A. U. C. 1209. Constantino & Russo Coss. stipulatus, ut alter filiorum Caesar adoptaretur, quod Leo promisit, sed in longum differebat, ita ut Aspar aliquando, purpura adprehensa, cunctanti Leoni diceret : *Imperator, hac veste mentiri, nefas est ; regente Leone : Etiam cogi & instar mancipii trahi nefas est.* Verum cum diutius resistere haud posset, Anno Chr. 468. Inperii 12. Patricium, Asparis filium, desponsa eidem Ariadna filia, Caesarem fecit, Sophismate, ut putant, politico, ut Asparis familiam perderet eo tutius. At Caesar nec populo, nec senatui placuit, quia Arianismo favebat. Hinc clerus concitabat populum ad seditionem, ut orthodoxum Caesarem sibi designaret Imperator, qui, seditione pro tempore compressa, securos Asparem & Ardaburium F. Spadonum gladiis in palatio obtruncavit, sub specie & causa, factarum sibi insidiarum ; re autem vera, ut nepotem ex filia Leonem juniorem Imperatorem crearet. Coronatus ille a Patriarcha Anatolio : quod observatu dignum censeo, quia inde jus aliquod clerus sibi in Imperatores fuisse effingere possit. Verum ut testis tantum adhibebatur Patriarcha, electum sc. esse Imperatorem Christianum non haereticum, unde & postea professio doctrinae ante coronationem ab Imperatoribus peti solebat. Uxor ei fuit *Aelia Verina*, Basilisci ducis soror, ex qua suscepit duas filias, *Ariadnam*, quam Zenoni, post Imperatori, Leonis ex eo Junioris matrem, & *Leontiam*, quam Martino Patricio, Anthemii Imperatoris Romani filio, elocavit. Notabilia varia sub eo evenerunt : Constantinopolis fere tota cum illustri Bibliotheca per quatrimum, conflagravit A. U. C. 1248. per ignes, a Daemone subditos, si fabulis fides ; Baron. ad *Ann.* 465. Antiochia terrae motu concidit, liberalitatem Leonis experta, teste Nicephoro. In agro Byzantino pluvia cineria palmi altitudine decedit ; quibus prodigiis per.

pérterritus, urbe relicta, diu apud S. Mamantem habitavit. Populum exhaustisse eum tributis, Suidas refert, in *Leone*. Erga Eruditos clementiam & amorem exercuit summum. In ore illierat aureum illud: Quemadmodum sol, quibus affulgit, iis calorem impertiri solet; ita etiam ab Imperatore clementia iis tribuenda, quos adfulsit. Item stipendium Eulógio Philosopho, in militiam infumere suadenti, respondit: *Utinam licuit meo tempore quae militibus dantur, in professores impendere!* Laudatur apud scriptores illius pietas & in orthodoxia promovenda studium, quod illum etiam ad hanc egregiam Constitutionem commovit. Obiit Leo M ex dysenteria, mense Jan. A. U. C. 1219. Ad Anthemium, cujus pariter in Inscriptione legis nostrae fit mentio, nos conferamus restat. Is a Fl. Leone nostro ad Romanum Imperium evectus fuit, Cusaco & Joh. Cosl. A. U. 1219. In hunc enim fortunae articulum conjecerat, terrarum Deam, Romani fortuna, ut Imperatores occidentales Constantinopoli mitterentur. Marriani fuit gener Anthemius, Nicephor. Callist. *lib. 15. c. 11.* & Procopii frater, Idat. in *Chronico*; opibus & genere potens, Procop. *lib. 1. Vandal.* Occisus est a Ricimere, genere suo, Marriano & Festo Cosl. A. U. 1224. Marcellus in *Chronico*. Merita ejus in Jure nostro non adeo magna mihi videntur, cum pleraque auctoritate Leonis Imperatoris constituta fuisse putem. Data est Constitutio nostra ad Armasium, Praefectum Praetorio, cujus, quantum mihi constat, obscurum in antiquitate nomen.

§. VI.

Principium legis nostrae de Diebus festis occupavimus jam in §. 3. ideoque frustraneum erit, haec repetere. Adde dictis Jac. Gothofredum ad *l. 1. C. Th. de Feriis*, & ad *l. 2. eodem pag. 125.* *Majestati altissima dedicatos* pergit Imperator. Vocabulum *majestatis* proprium videtur Diis, a magnitudine dictum, Festo auctore. adde *l. 32. §. 4. D. de Recept. qui arbit.* Cicero *1. de Divinat.* & alibi saepius. Cetera hujus principii in sequentibus latius prosequuntur. Potius ad §. 1. ubi & principium latius explicatur, me converto. Ad progressum juris quod attinet: notemus primum, &

& ante Leonem Thracem , Imperatores Theodosium & Valentinianum jam Constitutionem de sanctitate & religione festorum & diei dominici evulgasse, quae in *Cod. Theodos. tit. de Spectaculis* existat, & in *l. 5.* a Jac. Gothofredo recensita ; omiſſa autem plane in Justiniano Codice. Verba ejus hic adscribere, forſan non ingratum erit, cum Codex ille non in omnium verſetur manibus. Dominico, inquiunt Imperatores, „ qui ſeptimanae totius primus „ eſt dies, & Natali atque Ephiphaniarum Chriſti, Paſchae etiam „ & quinquageſimae diebus, quamdiu coeleſtis lumen lavacri, „ imitantia nova ſancti baptiſmatis lucem veſtimenta teſtantur : „ quo tempore & commemoratio Apoſtolicae paſſionis, potius „ Chriſtianitatis magiſtrae a cunctis jure celebratur omni Thea- „ trorum atque Circenſium voluptate, per univerſas urbes earundem „ populis denegata, totae Chriſtianorum ac fidelium mentes „ Dei cultibus occupantur. Si qui etiam nunc vel judex impietatis amentia, vel ſtolidae paganitatis errore atque inſania detinentur, aliud eſſe ſupplicationum noverint tempus ; aliud voluptatum. Ac ne quis exiſtimet, in honorem numinis noſtri, veluti „ majori quadam imperialis officii neceſſitate compelli, & niſi divina religione contempta ſpectaculis operam praefat ſubeundam „ forſitan ſibi noſtrae ſeveritatis offeſam ; ſi minus circa nos devotionis oſtenderit, quam ſolebat, Nemo ambigat, quod tunc „ maxime conſuetudini noſtrae ab humano genere deſertur, cum „ virtutibus Dei Omnipotentis ac meritis univerſis obſequium or- „ bis impenditur. Dat. Kal. Febr. Conſtantin. Theod. XI. & „ Valentiniano Coſſ. (425.) Singularem & elegantem ad hanc Constitutionem commentarium conſcripſit Barnab. Briſſonius ; cui addendus doctiſſimus Cod. Theod. Interpres, J. Gothofredus. Verum & ante hanc Constitutionem Theodoſius M. jam Anno 336. cum Gratiano & Valentiniano in *l. 2. C. Theod. de Spectac. in fin.* „ Illud etiam praemonemus, inquiunt, ne quis in legem „ noſtram, quam dudum tulimus, committat. Nullus ſolis die „ populo ſpectaculum praebear, nec divinam venerationem, conſecta ſollemnitatem confundat. Patet ex verbis, *quam dudum tulimus*, jam ante *h. l.* Theodoſium de die Dominico aliquid fanciſſe : at Conſtitutio illa non reperitur. Jac. Gothofr. *ad l. 1. C.*

B

Theod.

Theod. De Feriis conjicit, Theodosium M. ann. D. 379. vel mox postea, primam constitutionem, de Spectaculis die solis non celebrandis, edidisse, pro fundamento adlegans *d. l. 2. C. Theod. de Spectac.* quod lubricum videtur argumentum, silente Antiquitate, & obliterata legis illius memoria. Theodosius itaque M. primum spectacula die solis edi vetuit; quod Theodosius Junior confirmavit. Omnium autem primus religionem diei Dominici stabilivisse Constantium M. primum Christianorum Imperatorem, in comperto est: ante enim hunc, Christianorum fielebant sacra; gentium autem festa, aliis principiis subnixta, alias etiam provocaverant leges. Is autem in *l. 1. C. Theod. de Feriis* dominicum jam juridicis exemit: *Nec non & dies solis, qui repetito in se calculo revolvuntur.* Ad quae verba doctissimus Gothofredus elegantem hunc hîdori locum adfert, *lib. 2. Orig. c. 32.* „Octavus autem dies, idem primus est, ad quem „reditur, & a quo rursus hebdomadae series orditur. Idem Constantinus M. in *l. 1.* „Sicut indignissimum videbatur, diem solis „venerationis suae celebrem altercantibus jurgiis & noxiis partium „contentionibus occupari. Cum bona Lectoris venia a Gothofredo mutuemus breve illud Chronicon septem Constitutionum de die Dominica. Primus fuit Constantinus M. qui ante mensem Junii A. D. 321. mense Martio, diem solis otio mancipavit, & juridicis diebus actibusque privatorum contentiosis exemit, *l. 2. C. Just. de Feriis II.* ipso mense Junio A. D. 321. voluntariae quoque Jurisdictionis actus excepit, seu emancipationes & manumissiones, *l. 1. C. Th. de Feriis III.* Valentinianus Sext. A. D. 368. exactiones eo die prohibuit fieri a Christianis, *l. 1. de Execut.* quae repetita *l. 10. de Eviction. IV.* Valentinianus Junior A. D. 386. generaliter & distincte omnes omnino lites, omnia negotia quiescere jussit, etiam ob debitum publicum, etiam apud arbitros, commissarios, sub poena sacrilegii, *l. 3. C. Th. de Execut. & l. 3. cod. de Exaction.* V. Idem A. D. 389. Juridicis iterum diebus eum exemit, *l. 2. b. t.* VI. Theodosius M. A. D. 379. vel mox postea, spectacula die solis edi vetuit, *l. 2. in fin. C. Th. de Spectaculis.* Et, iterata jussione A. D. 386. *d. l. 2.* VII. Theodosius Junior A. D. 425. spectacula die solis edi per universas urbes vetuit, *l. ult. C. Theod. de Spectac.* Ex hoc progressu liquebit facile, quid novi constitue-

rit

rit Leo noster Trax, in *L. nostr. ult.* quam pressius jam contem-
plemur.

§. VII.

*Dominicum itaque diem ita semper honorabilem decernimus & vene-
randum, ait Leo Imperator, in L. nostra xi. Diem hunc dominicum
& diem solis dixerunt non solum Imperatores Constantinus, Valenti-
nianus & uterque Theodosius, Leo, in l. 1. C. Th. de Fer. l. 2.
eod. de Execution. l. 10. 13. eod. de Exalt. l. 2. eod. de Spectac. Ve-
rum etiam ipsi Patres, quod Gregor. Turonensis, lib. 3. Histor.
Frans. c. 13. taxat: Ecce dicens, dies solis: sic enim barbaries
diem Dominicum vocare consuevit, vid. Gothofr. ad l. 1. C.
Th. de Fer. Auson.*

Primum supremumque diem radiatus habet sol.

Et mox:

Octavum instaurat revolubilis orbita solem.

Isidor. lib. 5. c. 30. caput cunctorum dierum eum vocat: & *Act.*
xx. 7. & *1 Cor.* 1. 2. dicitur *Νηξ Σαββάτων*. Graeci hinc annum
dixere *ισδομαδιώνος κατωίσην* pro eo, quod est a die solis incipere,
Maxim. Martyr in *Computo, ecclesiast.* p. 1. c. 23. Apud nostrates
dicitur ZONDAGH, sive, ut alii rectius forsan, ZOENDAGH,
ab antiquo, ZOENEN, *Reconciliare, peccata remittere*: quod la-
tius probavit J. G. Keyserus in *Diff. de Cultu solis Freji & Olhii*,
§. 5. Constantinus vero, cur barbaro vocabulo, *dies Solis* pro
die Dominico dixerit, vix est operae pretium, quaeramus: vulgi
enim sermonibus adcommoდასე se, certo certius videtur. *Domini-
cus* autem dicitur, quia, loco Sabbathi constitutus est in memo-
riam Domini nostri & Salvatoris, qui eo die a mortuis resuscitatus
est, teste Ignatio & Justino *sin. Apolog.* 2. Hinc Justinianus ex penu
sua in l. 7. C. *Just. de Feriis* addit, *quos Dominicos rite dixerunt ma-
iores*. Placuit etiam haec denominatio jam olim Christianis, Sylve-
stro aliisque, immo ab Apostolorum tempore hoc vocabulum de-

ducit pulchre Jac. Gothofred. ad l. 3. *Cod. Th. de Executor. in fin.* Honorablem autem & venerandum vult esse hunc diem, Imperator Leo. Quid mirum? Dies ille a Christianis, jam ante Constantinum, faustus & venerabilis habitus, ipso Constantino teste in l. 10. *C. Theod. de Exaltion.* & l. 1. *cod. de Executor.* & jam inde a primordiis Ecclesiae ab Apostolis ad cultum divinum Sabbatho substitutus, ut probare contendunt ex Act. Apost. xx. 7. 1 Cor. xvi. 1. & 2, & *Apocal. I. 10.* quod tamen negant alii. *Diem Solis venerationis suae celebrem*, ait Constantinus in l. 1. *C. Theod. de Feriis*; & Imperatores Valentin. & Theodos. in l. 7. *C. Just. cod. in quibus parem necesse est habere reverentiam*: quae verba sunt l. 2. *C. Th. de Feriis*, & a Tribuniano diei Dominico adplicata, cum ibi ad natalem Principis referuntur. Accedit, quod & ipsi gentiles hac in re praeiverint Christianos, festa sua multa religione & reverentia celebrantes. vid. Columell. de *Re rustica*, lib. 2. c. 22. & alios apud Macrobius, lib. 2. *Saturnal.* c. 16. & quae plura supra adnotavi. Pergit Imperator Leo in l. XI. „ Ut a cunctis executionibus excusetur: nulla quemque urgeat admonitio: nulla fideiussionis flagitetur exactio: taceat apparitio: advocatio delitescat: sit ille dies a cognitionibus alienus: praeconis horrida vox sileat: respirent a controversiis litigantes; & habeant foederis intervallum: ad sese simul veniant adversarii non-timentes: subeat animos vicaria poenitudo: pacta conferant: transactiones loquantur. *Quotiescunque*, inquit Augustinus *de adventu Domini in Carne*, aut natalem domini aut reliquas sollemnitates celebrare disponitis, ebrietatem ante omnia fugite, iracundiae quasi bestiae crudelitissimae repugnat, odium velus venenum mortiferum de corde vestro repellite. Et haec prima est Legis nostrae XI. pars. Secunda pars incipit a verbis: *Nec hujus tamen religiosi diei otia &c.* ibique de prohibitione spectaculorum. Tertia pars poenam proponit, & incipit a verbis: *Amissionem militiae &c.* Sic commode videtur dividi posse *Lex nostra*: hancque divisionem in explicatione d. l. servare apud animum constitui.

§. VIII.

Primam *L. nostrae* partem ex legibus Constantini & Valentiniani
 conflasse Leonem, certo certius est: nam & illi jam diem solis actibus
 judiciariis, ceu supra ostendi, exemerunt. Pertinet huc *l. 1. C. Theod. de Executor.* quae repetitur in *l. 10. C. Theod. de Exaction.*
 non in *l. 1. ut vult Gothofr. ad l. 1. eod. de Feriis, initio*: ubi Val-
 entianus & Valens, Inpp. „ Die Solis, *inquunt*, qui dudum
 „ faustus habetur, neminem Christianum ab exactoribus volumus
 „ conveniri. Solos ibi videntur Christianos exemisse Inpp. quod
 Valentinianus Junior ad omnes omnino lites & exactiones extendit,
 in *l. 3. C. Theod. de Executor. & Exaction.* quae repetitur, in *l. 13. eod. de Exaction.* „ Solis die, *dicens*, quem Dominicum rite di-
 „ xere majores, omnium omnino litium, negotiorum, conven-
 „ tionum, quiescat intentio: *debitum publicum privatumque nullus*
 „ *efflagitet.* Ne apud ipsos quidem arbitros (vel in judiciis flagita-
 „ tos, vel sponte deductos) ulla sit agnitio jurgiorum. Et non
 „ modo notabilis, verum etiam sacrilegus judicetur, qui a san-
 „ ctæ religionis institutæ ritu deflexerit. Neque tamen hæc,
 tam generalis, Constitutio, qua sane omnia debita exigere ve-
 tuit Valentinianus Junior, sufficere poterat, sed specialem legem fer-
 re tenebatur Honorius Imperator: nempe, *l. 8. C. Theod. de Exe-
 cutor.* qua Judæis idem privilegium indulgeretur, ne sc. die Sab-
 bathi, quo Judæi cultus sui reverentiam servant, fiscalibus execu-
 tionibus & litigiis turbentur. Vides itaque, Leonem tantum spe-
 cialius generales laudatorum Imperatorum Constitutiones explicasse.
 Duo autem notemus, antequam a prima hac *L. nostrae parti.* recedamus:
Praeconis horrida vox fiescat. De Praeconis officio hic mul-
 ta dicere, nihil attinet: hoc moneo tantum, intelligere hic Leo-
 nem, dubio procul, auctiones publicas, quas numquam die Domi-
 nico meminit in Gallia factas Mornacius ad *l. 8. C. b. t.* Notum au-
 tem, ex antiquitate, praekonis munus in Auctionibus publicis; quod
 ex solo Cicerone decies demonstrari poterit. Minime autem huc per-
 tinere putem *l. 16. C. Ex quibus caus. infam. irroget.* ex qua dis-
 cimus, praecones olim infamiam & delictum, & quare illa pa-

terentur, publice horrida voce exclamasse: *Fustibus caesum, cui per praconem ita dictum est ἐνοχάρητος*, id est, *calumniatus es*, &c. & in l. 13. §. 6. *D. de Jurejurando*, ubi *Inperator noster*, inquit Ulpianus, *cum patre rescripsit, fustibus eum castigandum dimittere: & ita ei superdici πονηρὸς μὴ ἔμειναι*, id est, *temere ne jurato*. De causis enim civilibus hic in *L. XI.* tantum agitur, non de criminalibus, licet sub civilibus videantur contineri criminales; quia ad huc magis religiosi diei devotio suppliciorum executione turbaretur; arg. l. 6. *C. h. t. c. 1. x. de Feriis* non obstante l. 9. *D. h. t.* Vultejus de *Judiciis lib. 2. c. 7. n. 330.* nisi tamen sit periculum in mora, ut in quaestionibus latronum, in l. 10. *C. Inst. h. t.* ubi nec venerabili Paschae die differtur sceleratorum proditio consiliorum, quae per latronum tormenta quaerenda est: cum facillime & in hoc summi Numinis speretur venia, per quod multorum salus & incolumitas procuratur. Alterum, quod observatu dignum judicavi, sunt verba l. xi. *Ad sese simul veniant adversarii non timentes: subeat animos vicaria poenitudo: pacta conferant: transactiones loquantur.* In his verbis latet aliquid novi & plane diversum a Constitutione Valentiniani Junioris in l. 3. *C. Theod. de Execut. & Exact.* ubi „Ne apud „ ipsos quidem arbitros (vel in judiciis flagitatos, vel sponte delectos) ulla sit agnitio jurgiorum. Neque frustra hoc constituit Valentinianus, & dubio procul Leone in hoc prudentior, bene gnarus, non sine jurgis rem inter Arbitros componi, quibus Dominici diei sanctitas sine dubio violaretur, & contra mentem Imperatorum lites foverentur. Adde, quod sint instar judiciorum publicorum l. 1. *D. de Arbitr.* vid. tamen Groeneweg. ad *L. nostr. fin. h. t. n. 2.* & Busium ad l. 36. *D. de Arbitr.* Rectius ergo putem, nec in publicis, nec in privatis causis ejusmodi arbitrium esse admittendum, l. 7. in *fin. l. 8. C. h. t.* non obstante l. 5. *C. Ceterum* & his diebus dominicis quiescere debent omnium artium officia, l. 3. *C. h. t. juramenta c. 1. x. h. t. c. 22. decrevit qu. 5. nuptiae etiam*, Carpzov. *Jurispr. Consist. defin. 157. seqq.* Piscationes. vid. tamen c. 3. *x. h. t.* & Ungebauer. ad d. t. n. 24. *Commerciorum*, nundinationes c. 1. *x. h. t.* Carpzov. *lib. 9. def.* Tantum quoad primam Legis nostrae ult. partem.

I X.

Progrediamur ad alteram, quam in hisce verbis paulo ante constituere lubuit: „Nec hujus tamen religiosi dici otia relaxantes obſcoenis quemquam patimur voluptatibus detineri. Nihil eodem die „sibi vindicet scena theatralis aut Circense certamen, aut ferarum „lacrymosa spectacula; & si in nostrum ortum aut natalem celebranda sollemnitatis inciderit, differatur. Duo iterum hic veniunt observanda, 1. Voluptates & certamina. 2. Principis natalis. *Religiosum* hic vocat diem, quem supra Dominicum dixerat, a religione & pietate, qua diem illum transigere deberent Christiani. *Otia* pro vacationibus hic accipiuntur & feriis: & sic Ovidius aliique centies loquuntur, studia *bonesta otia* vocantes. Exempla quoque suppeditant Jura: sic *otium civile* in *l. unic. C. de Gladiat. in otio & tranquillitate reliquum vitae tempus peragere, l. 13. C. de Advocat. divers. judic.* Non ergo vox tam crude accipienda, quasi nihil agere, & in utramvis aurem dormire significaret. Porro neminem patitur obſcoenis voluptatibus eo die detineri. Quenam sint *obſcoenae voluptates*, nostra forsitan scire non interest: at, quia tamen stolidum videtur nescire ea, de quibus in legibus statutum est, age! breviter explicemus, quid sint Voluptates. Omnis generis ludos hic intelligere Leonem, verba sequentia videntur dicitare. *Voluptates* enim dicuntur spectacula & ludi, in *l. ult. C. Theod. de Spectac. l. 17. eod. de Paganis. l. 3. 5. 6. 13. eod. de Scaenicis. l. 29. 32. de Praetor.* Inde & Tribunus Voluptatum, *l. ult. C. Theod. de Scaenic.* Circensium voluptas; populi voluptates, *l. 5. & 3. eod.* Obſcoenas ergo vocat voluptates scenam theatralem, Circense certamen, & ferarum lacrymosa spectacula. Miraberis dubio procul obſcoenis voluptatibus ludos hos adnumerari, cum Arcadius & Honorius festos conventus civium & communem omnium lacticiam submoveri pati noluerint, in *l. 4. C. de Pagan.* Qui ergo obſcoenas poterat dicere Leo scenam theatralem? &c. sed forsitan ideo obſcoenam vocavit, quia dies solis, pura mente colendus, est procul ab omni obſcoenitate &c. Et merito Seneca Epist. 7. *Nihil est tam damnosum bonis moribus, quam in aliqua spectacula desiderare. Tunc enim per voluptatem facilius vicia subre-*
punt.

punt. Circense certamen a Graecis traxit originem, & Romulus primus, raptis virginibus Sabinis, Consualium nomine illud celebravit, auctore Valér. Maximo, *lib. 11. c. 4. n. 4.* Tarquinius autem Priscus circum iisdem primum adplicavit. vid. Panvin. de *Ludis Circensibus*, 1. 3. Ex Novell. 105. c. 1. Circenses intelligi ludos discimus, tragoediis & thymelicis, sive modulationibus scenicis distinctos. Per *lacrymosa Spectacula* intelligit Imperator Leo ludum Gladiatorum, quae & *cruenta spectacula* vocantur, in l. 1. C. de *Gladiator*. Constantinus equidem, A. U. C. 167. poene sexcentis post instituta ea annis, e toto orbe Romano illos submovit, Sozomen. Hist. Eccl. lib. 1. c. 8. *Apud Romanos tunc primum sublatum Gladiatorum spectaculum.* Sed, sub sequentibus Imperatoribus iterum invaluit; unde ad Honorium preces & querelae Prudentii contra Symmach. n. 1113.

„ Quod genus ut sceleris jam nesciat aurea Roma;
 „ Te precor Aufonii Dux augustissime regni:
 „ Et jam *triste sacrum* jubeas ut cetera tolli.

& n. 1121.

„ Arripe delatam tua, Dux, in tempora famam;
 „ Quodque Patri superest, successor laudis habeto.
 „ Ille urbem vetuit *taurorum sanguine tingi*:
 „ *Tu mores miserorum hominum prohibeto litari.*
 „ Nullus in urbe cadat, *cujus sit poena voluptas*;
 „ Nec sua virginitas oblectet caedibus ora.
 „ Jam solis contenta feris infamis arena,
 „ Nulla cruentatis *homicida* ludat in armis!

Et licet Honorius occasione Monachi Telemachi cujusdam, qui, cum gladiatores, Romae pugnantes, pio zelo diducere veller, a populo lapidibus obrutus fuit, ludum hunc plane sustulerit; nihilo tamen minus adhuc, tempore Leonis, in usu fuit, adeo ut ille severe debuerit prohibere lacrymosa spectacula die solis celebrare. Ab his Gladiatorum ludis descendit Taurorum ludus

dus apud Hispanos; de quo curiositatis causa late videri potest
Amaya lib. 2. Observ. ult. Ad secundum membrum quod attinet
 de Natali Principis: est ille duplex; velque pro die, quo princeps
 natus, vel quo sceptrum sortitus fuerit, accipitur. Sic Judicibus
 ludis vacare permittit Valentinianus in *l. 2. C. Theod. de Spectacu-*
lis, illis diebus, quibus vel in lucem editi, vel in perniciem
 „ sceptrum sortiti. Et in *l. 2. C. Theod. de Fer.* Parem, inquit,
 „ Insp. necesse est haberi reverentiam nostris etiam diebus, qui
 „ vel lucis auspicia, vel ortus imperii protulerunt. Differabant
 ergo dies natalis imperii, & genuinar, ut dicitur in *l. 11. 17. C.*
Theod. de Prox. comit. disp. Genitalitius apud Capitol. in Pertinace
 dicitur. Vid. Jac. Gothofred. ad *l. 2. C. Theod. de Feriis circa fin.* Adde
 Plinium *lib. 10.* ubi: „ In quem tutela generis humani felicissima
 „ successione translata est, debita religione celebravimus commen-
 „ dantes imperii Tui auctoribus, & vota publica, & gaudia. Et
 ejusmodi ritus, natales principum celebrandi apud nos hodie ad-
 huc vigent. Ultima legis nostrae pars continet poenam in legis
 violatores: „ Amissionem militiae & proscriptionem patrimonii,
 „ inquit Imperator Leo, sustinebit, si quis umquam hoc die festo
 „ spectaculis interesse, vel cujuscumque judicis apparitor, praetex-
 „ tu negotii publici seu privati, haec, quae hac lege statuta sunt,
 „ crediderit temeranda. In poenae genere iterum longe mitior &
 clementior fuit Leo noster, quam Valentinianus Junior, qui in *l.*
3. C. Theod. de Executor. notabiles & sacrilegos jussit esse diei Do-
 minici contemtores. Hic vero tantum amissio militiae & proscrip-
 tio bonorum in illos statuitur; hodie extra ordinem puniuntur,
Carpzov. lib. 2. Constat. Hist. d. l. Quid vero per militiam
 intelligat Leo Imperator, quaeritur: sine dubio, Urbanam: duplex
 enim erat militia, armata, seu urbana, Cicero *pro Muraena*:
 „ Servius hic nobiscum hanc urbanam militiam respondendi, scri-
 „ bendi plenam sollicitudinis, ac stomachi sequutus est. Haec ur-
 bana militia omnia continebat officia aulica, omnesque magistratus
 Imperatori ministrantes. Imperatorum duplex erat militia, Palati-
 na, & sacrorum scriniorum; de quibus vid. J. Averanium *lib. 2.*
Interpret. juris c. 7. pag. 516. 517. Sic Apparitor, militia solutus
 in *l. 4. C. Theod. de Execut.* Et militiam liberto comparare, id est,

munus scribae, in *l. 18. §. ab heredibus de Aliment. leg.* ad quam vide Averanium, *d. l. Immo & Advocati militare dicuntur*, in *l. 14. C. Just. de Advoc. div. jud.* Ceterum notabile est, quod diem Dominicum in fine *Festum* dixerit Leo: unde videtur patere, sub diebus festis, late sumptis, omnino Dominicum diem contineri. Sequitur, coronidis loco, subscriptio Leg. nostrae, seu subnotatio *Dni. Id. Decemb. Constantinop. Zenone & Martino Coss. 469.* Ubi hoc unice animadverto: nam nomina illa norunt omnes, & qui nondum aere lavantur, umbram honoris Consulibus in subscriptione sub Inpp. fuisse relictam; & cum olim Rubrum legis ornarent, eisque praescriberentur, eorum nomina, jam in calcem rejecta, subscribebantur. Haec sunt, quae ad elegantem Legem *xi.* pro virili & breviter proponere lubuit.

§. ult.

Videamus superest exceptiones ab hac lege. Excipiuntur autem; primo loco, atrociora crimina, quia facillime in hoc Summi Nummis venia speretur; per quod multorum salus & incolumitas procuratur, *l. 10. C. h. t.* Hodie tamen hoc vix observatur, & causae cognitio raro die festo fit, sed plerumque in non festum differtur, *Carpz. Pract. Crimin. p. 3. q. 124. n. 4.* & Clarus testatur, se numquam vidisse sententiam capitalem die festo executioni mandari, *§. fin. q. 64.* II. Excipitur Captura reorum criminum graviorum, si in flagranti crimine deprehenduntur, ne fuga salutem sibi quaerant, & ne delicta mancant impunita. Immo, *Saccia de Judic. c. 5. n. 28.* hoc etiam in civilibus admittit, ubi de fuga sunt suspecti, *Groenew. ad l. fin. C. h. t. Peck. de Jure sistendi c. 10. num. 1.* De Citatione: num illa fieri & insinuari possit, ambigunt Interpretes. Verius autem videtur cum *Vultejo, d. c. 7. n. 341.* aliisque, non posse; quidquid etiam in *Colleg. Jur. Argentor. h. t. th. 21.* hac de re in contrarium adferatur. Idem dicendum videtur de Appellatione. Vid. *Carpzov. lib. 2, Jurispr. Consist. desin. 250.* nisi pietas & necessitas aliud suadeat, *l. fin. l. 10. C. h. t. c. 1. in fin. & c. fin. X. h. t.* Dissentiunt *Brunnem. de Process. c. 6, n. 23. Gail. 1. Observ. 53. n. 11.* III. Permittuntur die dominico pacta & trans-actio-

actiones ; de quibus supra, *d. l. fin. §. 1. C. h. t. IV.* Et ruri habitantes agrorum culturae libere & licenter die hoc inservire possunt, „ quoniam frequenter evenit, ut non aptius alio die frumenta falcis aut vineae scrobibus mendantur, ne occasione momenti pereat commoditas, coelesti provisione concessa, Groenew. ad *d. l. 3.* Chopin. *de Privil. regie lib. 2. c. 7.* Neque video satis causae, cur haec rejecerit in *Novell. sua 54.* Imperator Leo VI. philosophus. Alberic. Gentilis *lib. 1. de Nuptiis c. 6.* Eleganter Stautius Papinius *lib. 4. Sylvar. ad Marcell.* sub Domitiano :

- „ Certe jam Latiae non miscent jurgia leges ;
- „ Et pacem piger annus habet, messesque reversae
- „ Dimisere forum : nec jam sibi turba reorum
- „ Vestibulo, quaerulique rogans. Exire clientes
- „ Cessat centeni moderatrix judicis hasta.

Actus demum voluntariae jurisdictionis, qui nullam causae cognitionem requirunt, ab hac *L. xi.* excipiuntur, *l. 8. C. h. t.* Franzk. in *Comment. ad D. h. t. num. 25.* & testamenta die dominico apud acta condita valere, tradit Besoldus ad jus Wirtemberg. *disput. 3. th. 2.* Bocerius & Wesenbecius *d. h. t. n. 5.* ibique Hahn. Si vero causae cognitionem requirant actus illi, die dominico peragi illos posse, recte negamus, propter verba Legis nostrae : *sit ille dies a cognitionibus alienus.* Franzk. *d. l. n. 26.*

COROLLARIA.

I.

Tutor, ob latam culpam remotus, non fit infamis.

II.

Donatio omnium bonorum valet.

III.

Princeps legibus est solutus.

IV.

*Periculum & commodum rei venditae pertinet ad
emptorem.*

V.

Femina in Codicillis non potest esse testis.

FINIS.

